

Tódósh Manidjósh Shábwánamásachigan ondji Pemádizidjig 40 ako 49 pebónezidjig

Maya kekikenindaman

Iyo Ontario Tódósh Shábwánamásachigan Ijichigewin ogagánzomán pemádizidjig 40 ako 49 kidji ojítowadj ojigíjowewin ondji kishpin kidji shábwánamásachigedj ondji tódósh manidjósh. Ganój kinandokoniním, kimashkikíkwe konima kaye Health811 kawídokázodj ondji:

- kín tibinawe nanízánig kidji oditinadj tódósh manidjósh
- keget konima minayáwin ashidj nanízánawin ondji tódósh manidjósh shábwánamásachigan
- awegonen maya kichi inenindágwag ondji kín kidji ganawábandaman ki mino pimádiziwin

Mámindji pemádizidjig endaso pibónezíwadj ondaji ashidj washábwánamásachigewadj ondji tódósh manidjósh ta oditináwa inanokí ábadjitówin apin 2 pibóng.

Awenín Kegashkitodj kidji Odapinang Ontario Tódósh Shábwánamásachigan Ijichigewin?

Ikwewag, Níj-Odey pemádizidjig, wídj pemádizidjig ashidj pikan wídj pemádizidjig 40 ako 77 pibónezíwadj pagidinak ondji shábwánamásachigan kishpin:

- ega ayámowadj tódósh manidjósh kesháwadj ákoziwin
- ega kí ayámowadj tibinawe tódósh manidjósh
- ega ayámowadj kishkijewan (kishkijewan kidji akonang tódósh)
- ega ka ayámowadj shábwánamásachigan ako ishkwe 11 kízis
- igeg pikán ikwewag ashid ka ábadjitówadj ikwe mashkikí ondji 5 pibón kágige

Ashidj sóngeindágwad kaye pagwáse kidji shábwánamásachigani apích ándjigowin. Kishpin ega wí odápinaman shábwánamásachigan apích ándjigowen, kida mádjita 3 kízis kí ishkwa nígiyáwason, awadj igodj tódóshikeyáwason.

Mámidonenindan: Ganój kinandokoniním konima kaye mashkikíkwe kishpin kego pikan wábandaman ándjisek nakág ki tódóshmin (okákigan), kayesikádj odjishizi konima miskwág ega mádjamagag, konima kaye ándjisek ki wanakotódóshim. Ishkwa ándjigowin konima kaye tódóshikeyáwason tagádon tódósh manidjósh enamandjiwowinan konima kaye kawín kigawábandasínan, mí tash iye kichi inenindágwag wewenind kidji kijigábimizoyen. Andjisek kitódóshimag (okákigan) kawín mámakadj ondjin manidjósh, mámakadj igodj wín ke kijigábindjigádeg teshigodj.

Nisidotaman Kín Tibinawe Nanízániwan

Tódósh manidjosh nanízániwanan ono etebenindaman kín tibinawe konima kinawe kidji oditinadj tódósh manidjosh. Kidakikenindan kinawe ono etebenindaman ojitón iyo MY CancerIQ tódósh manidjosh nanízánad kwagwedewin (mycancerIQ.ca), eta 15 minit kida ishkwhíkán ashidj Agananeshámagad ashidj Wemitogojímagad. Nánind ka andakikenindjigedjig ikidowag kinawe kida oditina tódósh manidjosh konima kaye niboyan mámawi iye ta wawíyagi ondji anodj kodagag pemádizidjig. Taso endachiwadj ondaje Kánádáng ijinágwad ogo ega-Wábishkíwekweg kida oditináwá tódósh manidjosh ashidj kidanibóg kinawe oshkinígiwadj tash kaye Wábishkíwekweg. Mí tash eta, káwín mane andakikenindágoziwin kidji ojitónániwang maya kesháwádj tódósh manidjosh shábwánamásachigan wíkwadenindamawinan ondji kodagag pemádizidjig konima anishinábeg. Ondji kinawe kikenindágoziwin wábandan iyo mizimizidekikendjigan:


ontariohealth.ca/breast-cancer-differences.

Kidji kikenindaman kishpin Shábwánamásachigan Minoseg ondji Kín

Mónjag, pemádizidjig 40 ako 49 pibóneziwadj odayánawá tabaság kidji ayáwádj tódósh manidjosh tash kaye pemádizidjig 50 ako 74 pibóneziwadj. Mí tash iye ekidomagag kinawe minobideg ashidj nanízánag ondji tódósh manidjosh shábwánamásachigan konima pikinong kida ijise ondji kín tash kaye pemádizidjig 50 ako 74 pibóneziwadj. Kishpin ega wí odapinaman shábwánamásachigan teshigodj, kida ándjiton kimidonendjigan nánáge. Ondji iyo Ontario Tódósh Shábwánamásachigan Ijichigewin kidamádjítá shábwánamásachiganen anídóg apích 40 ako 74 pibóniziyen.


Ondji iyo kikenindjigewin wenzikág tódósh manidjosh shábwánamásachiganan Páshtonenáng inenindamóg:

KÍSPIN 1,000 IKWEWAG MADJITAWADJ SHABWANAMASACHIGAN 40 PIBONEZIWADJ



779 ikwewag káwín kego nanízánad oga oditinazínawa ondji tódósh manidjosh shábwánamasáchigan (ojáwashkwá wáwiyeýá*)
Ako 200 ega inenindágwag kishkijiwinan kida odápinigáden ako pimádiziwadj (mínánde ashaweyá*)
12 towa onzam ákoziwinágoziwin kida oditinawa ako pimádiziwadj (ozáwá anangosh*)
Ako 9 nibodjig ondji tódósh manidjosh kidatabazí ako pimádiziwadj (ashkibagwánde nesokikeyá*)
*Pepejig ejidjýág ikidomagad pejig pemádizidj

KÍSPIN 1,000 IKWEWAG MADJITAWADJ SHABWANAMASACHIGAN 50 PIBONEZIWADJ



833 ikwewag káwín kego nanízánad oga oditinazínawa ondji tódósh manidjosh shábwánamasáchigan (ojáwashkwá wáwiyeýá*)
Ako 150 ega inenindágwag kishkijiwinan kida odápinigáden ako pimádiziwadj (mínánde ashaweyá*)
10 towa onzam ákoziwinágoziwin kida oditinawa ako pimádiziwadj (ozáwá anangosh*)
Ako 7 nibodjig ondji tódósh manidjosh kidatabazí ako pimádiziwadj (ashkibagwánde nesokikeyá*)
*Pepejig ejidjýág ikidomagad pejig pemádizidj

Ogo kemádjítáwadj kidji shábwánamasáchigewadj apích 40 pibóneziwadj pangi kinawe kidanibóg ondji tódósh manidjosh tash kaye ogo mádjítáwadj shábwánamasáchigewadj apích 50

pibóneziwadj. Mí tash eta, ogo kamádjítáwadj shábwánamasáchigewadj apích 40 pibóneziwadj kaye kinawe kida oditinawa nánízániwiziwin ondji shábwánamasáchigewin, násab igodj ká'n tebwe wanishishinon (oditiniman ega wanishishing, apích ega ayáman manidjós), ega inenindagwag kishkijiwinan ashidj ákozíwinágoziwin (mikawandj kaye andawíwedj manidjós ega iya kenanízánag ondji awiya). Onzam iyo kikenindjigan ondjibamagad Pashtonenáng, kawín konima kidebwemagad ondaje Kánádáng ondji pikan ejinágog ki mino pimádizi ijichigewinan.

Anín kedajín kidji ojitón Shábwánamasáchige Nayáginá-Mindjimahigan

Kida ojitón nayáginá-mindjimahigan ondji inanokí ábadjitówin wíndamawadj Ontario Tódósh Shábwánamasáchige Ijichigewin abinás. Kawín kida nandawenindasín eshkwemag wendjising kinandokoniním konima mashkikíkwe kidji shábwánamasáchigen. Kidji mikaman abinásan, ánín maya kikendjigewin, ánín apích ondemitawadj, ánín minigig kebábíwiye ashidj ándí kedije ganónadj, wábandan Ontario Mino Pimádiziwin Pábiwan Epíchág ayeng ontariohealth.ca/breastscreeninglocations konima kaye madwesichigen 1-800-668-9304 kidji oditinadj iya Ontario Tódósh Shábwánamasáchige Ijichigewin abinás.

Kidanawenindán iyo kikendjigewin kinawe kego wendad ijinágog? 1-877-280-8538, TTY 1-800-855-0511, info@ontariohealth.ca.